

江蘇府縣志輯

中國地方志集成

上元縣志

中國地方志集成

江蘇府縣志輯 ③

道光上元縣志

江蘇古籍出版社 ● 上海書店 ● 巴蜀書社

責任編輯 卞惠興
封面設計 范一辛

中國地方志集成

江蘇府縣志輯③

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 一四六元

1991年6月第1版 1991年6月第1次印刷

ISBN 7-80519-217-0 / K·97

上元縣志序

志者史之準邑者郡之分也由
邑而郡由郡而省由省志而一
統志皆於一邑焉肇端志願可
不慎哉上元縣之有志明正德

序一

間始創為之計入

國朝以來修復之事亦再舉矣
幸逢

聖

聖相承休養培植之深文物聲

名之盛史不絕書獨志闕焉而
弗備甚非所以宣

德教徵文獻也予從京江調任
於茲值前守呂公仲篤纂修郡
乘甫閱數載無俟予更贊一辭

序二

而歷官九年之中修學校則

大成殿明倫堂巍然煥然矣興
水利則泮池西流運瀆暢注際
如圍如矣以及水災之議賑卹
疲快之籌調劑予得追隨 諸

大憲後揚仁風而望餘光於邑
皆不可不志者壬午夏邑令岐
山武君念祖量移上海將行篤
念舊志之廢慨留清俸為劑
劇資屬邑之賢而有文者增輯
序三

之是亦去思之一端也越甲申
志既成恭覽首登

盛典

隆恩永垂萬禩分卷若天文若
輿地若官守民賦必詳必審學

校選舉祠祀古蹟之屬靡不攷
核務精實事求是至於人物之
貴徵信藝文之富流傳亦皆井
井有條較之舊志蓋幾有文省
事增之美矣陳司訓拭嘗進質
序四

於予曰此志之修不捐貲不設
局不煩採訪邑之人以大令臨
古之屬各出心力矣公矢慎期
於無濫無遺然竊謂所難即在
此蓋有局以萃書籍公商推令

則參訂容有未周又弗經採訪或不無小略偶譌常用是斤斤焉其言亮非無謂抑予願有進者一邑之志固宜以累地屬籍為據依其實上江二縣山水環

序五

抱境壤交錯初本一邑也今區分之則形勢全局僅見一偏名勝之地相望而不相及科貢通考而父子兄弟弗並登觀者惑焉予以為二縣若會同纂輯合

為一志俾無華離而於統同之中復為辨異界址未嘗不明屬籍未嘗不著豈不蔚然更成巨觀哉是在後之有同志而能協力者予因樂志之成為之弁語

序六

而兼及之

道光四年歲次閏逢浣灘陽月賜進士出身前刑部浙江司郎中總辦秋審 軍機處行走方略館纂修辛未會試同考官江

寧府知府加道銜署江安督糧
道事德化余霈元序

序七

序

邑之有志也所以悉沿革辨損益擴見聞
存疑信也建業爲古都會唐始分爲上元
山川之形勝戶口之繁盛賦役之徵輸建
置之廢興物產滋豐人文蔚起大江南北

序

莫之或先尤不可以無志余莅茲土先後
凡六稔詢曩志板刻聞爲祝融災覓其書
不可得久之始獲一帙知修於乾隆之辛
未歲距今已七十年矣其間參伍錯綜不
無疑義而此七十年中時序推遷事物更

易若者宜減若者宜增若者創其新若者仍其舊非蒐羅而纂輯之不爲功友人汪君晴峯羅君抑山與余共晨夕知最深因謀之兩君兩君復爲余謀之陳廣文榕軒伍封君屏秋陳孝廉敬敷茂才吳君子見

序

二

管君異之汪君鄴樓及同學諸君子分門別類各任其勞不數月間次第成稿雖規條一切僅就曩志潤色成之詳瞻精嚴猶有待於後之作者而數十年來沿革之由損益之故所聞所見傳疑徵信亦復于斯

略備蓋諸君子既樂予之能舉廢予亦樂諸君子之圖功也是役也不釀金不設局無捐輸之擾無經費之繁需款無多而觀成劇易何捷如之然則諸君子不憚勤力以從公予能勿鳩工以蒞事乎刊將竣爰

序

三

誌其緣起如是道光元年歲次辛巳八月加州銜知上元縣事岐山武念祖并識

序

邑之有志也自明正德間白君
思齊始也思齊之後備于明者
一備于

序

本朝者再蓋自乾隆辛未迄今
又六十餘年矣

國家教養之法久而大備漸漬
觀摩而靡所遺丁男則蒸蒸日

衆也文物則郁々日盛也水陸

舟車負販商賈則洋々乎日思
往來而戾止也予自南宮告捷
筮仕于茲覽其山川按其圖記

序

二

上控江漢下連吳越壯哉金陵
誠東南一大都會哉及欲檢校
志乘梨棗缺如為悵然者久之
而予遂宰大江以北者四三年

今年壬午根以不才調任受代
方將尋繹舊聞一抒夙願前令
尹武君潤泉念祖已延學博陳
君榕軒栻暨邑之賢士大夫分

序

三

類編著正其謬誤刪其繁瑣當
因者因之當增者增之書成計
卷二十有六予雖不獲公餘退
食簪筆從諸君子後相與攷訂

而脩明之而樂觀其成不能相
忘于無言也竊謂邑志之舉廢
地只百餘里耳而必待諸數十
年之後適值其時適值其人然

序

四

後纂成其書可以資攷鑑而徵
治理宰斯土者願可忽乎哉
道光二年冬月南鄭陳道坦撰

上元縣志凡例

一全書為卷二十有六為志十為目一百有一特標卷首恭紀

天章

聖訓

錫賜為萬世臣民志欽崇欣幸感激愛戴之忱也中分

十志而區以小目終摭佚從舊志之例又攸縣縣

志彙舊序為志原次於卷末

一前志各有小序開附論說今或作弁言以引其端

傳內槩不加評論

上元縣志

凡例

一建康舊屬名都向有四十景圖不免強標名目今

惟紀城邑建置巨鎮通川以志形勢

一郡邑最重水利而論金陵者每云山多水少則水

利為尤重矣大江秦淮青溪運瀆金陵之水利也

舊志謂自南唐築城前明建都水道遷徙故宋史

河渠志即載張孝祥江澈諸公之說不知入

國初時都水司一撤其湮塞更甚今秦淮既清運瀆復

開又引元武湖水縈迤府學泮宮以西流其為利

不淺矣歷久不廢是在君子

一天官輿地之後即列官守從所重也而以名宦諸

書台垣之望以循良專表令長之賢

一邑為省會要衝倚江附郭八旗綠營咸隸其地武

備不可偏廢故官守中增營制江防馬政而置郵

亦附及焉

一民賦謹照乾隆四十年考訂全書編敘簡明以備

省覽

一本邑學校為通省之冠既與江邑合有宜專紀者

亦有宜合載者府學在境內奉有

欽頒碑文及廟制祭器樂器諸祠學額學田碑記書籍

並書院建置甲於他邑舊志分門採錄未能該備

上元縣志

凡例

二

今據縣府學所應載者詳志之名目不盡仍其舊

一選舉舊為年表而以科貢繫其下新府志亦然未

免間有疎混今倣溧陽縣志式分列進士舉人

徵辟貢生武科甲並附恩蔭各類載之而仍詳其

年代科分視舊志較簡括考尋亦較易也

一舊志人物中有祠賢一門專紀先賢表忠名宦諸

傳今以名宦入官守表忠詳祠祀而先賢則止載

於學校諸祠不更為傳蓋自有正史可考非本邑

所得專也其分文學而為儒林文苑去宦籍而為

寓賢改次于隱逸之後又易治績為仕績而以邑

錄併入之今前志方伎為技藝釋道兩門皆似較舊志為密

一史家有單傳有合傳有分別流品各以其類為傳今專做通志分類從近體也

一傳不及生存俟論定也惟節婦已奉旌表特以義起其他年例久符因貧待旌者采編卷內

一列女舊係彙記今於節婦中分列賢母壽母孝婦孝女才淑烈婦烈女貞女而仍以守節為本故統於一卷載之

上元縣志 凡例 三

一山川古蹟古來游覽名作原自無多後人依類附載每至冗濫今略為區別於前賢撰著有關地方刊病古今得失者並入藝文至碑記等文間有一

二附載各卷內所以闡明未盡之意非自紊其例也若乃聞見不廣搜討未賅疎漏之譏夫復何辭

一字逢應敬謹擗寫者元有定式恭查

欽定日下舊聞考奉

聖諭應敬謹三擗二擗一擗者俱頂格擗寫今敬謹遵用此式以昭畫一

上元縣志目錄

序

凡例

卷首

天章一二

聖訓

勸賜

卷一

天文志

星野 極度 庶徵

上元縣志 目錄

卷二

輿地志 上

沿革 圖說

卷三

輿地志 中

疆域 坊廂以下附 建置

卷四

輿地志 下

山川 形勢 風俗 物產

卷五

人物志	忠烈	卷十八	人物志	孝友	卷十九	人物志	義行	卷二十	人物志	上元縣志	四目錄	七
										隱逸	高賢	
										卷二十一	人物志	
										技藝	釋道	
										卷二十二	人物志	
										列女上	賢母	壽母
										列女下	烈女	貞女
										節婦		
										孝姑	孝女	才淑
										卷二十三		

藝文志上	表疏啟記序贊銘	卷二十四	藝文志下	示禁辨議論考文賦詩	卷末	撫佚志原	纂校姓氏	上元縣志	四目錄	八
------	---------	------	------	-----------	----	------	------	------	-----	---

上元縣志纂校姓氏

彙纂

陳 杖 裕軒 溧陽人

伍光瑜 孚尹 以下皆邑人

汪 度 郝樓

編校

吳 剛 子見

陳克寬 敦敷

管 同 異之

伍長齡 厚山

上元縣志 纂校姓氏

蔡宗茂 小石

參訂

周 鐘 青山

談承基 念堂

汪挺元 晴峯

羅鳳藻 抑山

上元縣志卷首

天章一

康熙二十三年甲子十一月朔日

聖祖仁皇帝南巡至於上元以將軍府為行宮明日

躬祭明太祖陵

諭大學士明珠總督王新命明洪武陵寢歷經年世幸

本朝加意護守鬱然無恙爾等可傳諭守陵太監及陵

戶朝夕敬慎灑掃維勤

登觀星臺望元武湖

賜題曠觀二字總督臣王新命敬鐫之石

上元縣志

御製詩文

金陵舊紫禁城懷古

秣陵舊是圖王地此日鸞旂列隊過一代規模成往蹟

千秋興廢逐流波宮牆斷缺迷青瑣野水灣環剩玉河

治理艱勤重殷鑒斜陽衰草繫情多

燕子磯夜泊

巍峩一片江頭石千載人傳燕子磯疑有龍鼉藏窟宅

時聞鐘磬出山扉牙檣綬住寒煙淨羽衛周連夜火闌

沙岸聲聲動行滿蘆花深處雁驚飛

過金陵論

金陵禹貢揚州之域素立郡縣為秣陵兩漢因之孫權時稱建業東晉及宋齊梁陳地號佳麗隋唐之間六朝舊跡漸致湮沒南唐李氏始夏築城名金陵府明有天下建都於此窺明太祖之意以為宅中圖大控制四方千百世無有替也歲在甲子冬十一月朕省方南來駐蹕江寧將登鍾山酌酒於明太祖之陵道出故宮荆榛滿目昔者鳳闕之巍峩今則積垣斷壁矣昔者玉河之潏環今則荒溝廢岸矣路旁老民踈而進曰若為建極殿若為乾清宮階礪陛級猶得想見其華楹焉夫明太祖以布衣起淮泗之間經營大業應天順人奄有區夏上元縣志 卷首 天章 二

恢復僅快私讐使有明艱難創造之基業未三百年而為邱墟良可悲夫孟子曰天時不如地利地利不如人和有國家者知天心之可畏地利之不足恃兢兢業業取前代廢典之蹟日加儆惕焉則庶幾矣

南巡筆記

康熙甲子春日有以時值上元請行封禪及巡狩燔柴諸典禮者夫朕涼德菲躬臨御海宇邇年以來水旱兵戈民亦勞止雖邀天庇佑四海蕩平萬姓樂業實未有豐功偉烈足以昭示來茲何敢效法前人銘功紀德至於巡狩古天子所以周省侯國使諸侯肆覲明堂攷其上元縣志 卷首 天章 三

政績今天下之權統一於內督撫之賢不肖朕皆得而知之又無事於巡狩之名也惟是近畿郡邑屢經巡幸補助時施而東南黎民風俗尙未周知乃於秋九月陳詩

兩宮暫違定省二十八日出京師經河間過德州閱濟南城觀釣突泉題曰激湍百姓遮拜馬首戶口繁盛比屋可封昔稱臨淄之間肩相摩澗相擊者今尙有遺風焉十一日至泰山石徑峻嶒緩步登陟四十里御障崖瀑水懸流五大夫枯松猶在巖畔或亦後人繼植者入南天門捫秦時無字碑至孔子小天下處真可收羅宇

宙暢靈祥懷題普照乾坤雲峯諸宇宿泰山巔月色清
則賦詩道與來日登日觀峯看扶桑日出下山祀於嶽
廟嶽爲五方之長發生萬物故躬祀之爲蒼生祈福十
三日雨雪駐蒙陰縣侍臣云明日小雪喜其應候詰朝
雪霽望蒙山頂半入雲霧或隱或見其上石衣土人攀
絕取之名蒙山頂上茶嘗考四川雅州有蒙山五峯極
高峻上產甘露茶世所傳者或雅州之蒙山也渡沂水
取魚既多且鮮因遣使馳進

兩宮以志思戀之懷蒞花鋪青淮之界居人輟輟十八
日發宿遷縣閱黃河北隄岸一百八十里頻年水患工
上元縣志 卷首 天章 四

役浩繁民俗罷敝不若山左之庶饒渡河舟行過清江
浦淮安府商賈往來舟楫如織寶應縣高郵州邵伯鎮
皆以湖水汎濫未復故道居人草屋臨流牀竈牛在水
中朕甚憫焉登岸步行十餘里親察水勢召集耆老秀
才細訪其故皆云自海口壅塞水無所歸二十年來田
畝已成巨浸賦詩紀事思所以拯濟之廿三日抵維揚
市肆繁華園亭相望遊平山堂天寧寺百姓持香夾道
意甚誠敬平山堂乃宋臣歐陽修所建修以文學侍從
之臣出知揚州爲政之暇優游談讌傳爲佳話故朕詩
有文章太守心偏憶之句廿四日將由儀真幸江寧府

忽遇順風可以速達京口遂乘沙船順流而下波恬浪
靜瞬息七十里沙船江中戰艦也自岳州長沙用兵以
來多得其力今河海清晏當時戰具僅供渡江之用然
安不忘危朕於此時未嘗不念艱難用武之際次早登
金山孤巒隱岫屹峙大江中飛閣流丹金碧照灼更有
一峯離立曰善才石郭璞墓在其西上有妙高臺雷雲
亭朝陽洞下有中冷水稱天下第一泉朕率息從諸臣
一一探眺縱目千里題江天一覽四字并賦二詩竹林
禪院在鎮江府城南五里曲徑逶迤茂林修竹高者四
五丈大者圍尺青葉碧枝陰森崖谷實北地之所未有

上元縣志 卷首 天章 五

晚而登舟揚帆丹陽縣常州府無錫縣俱未及泊一晝
夜行三百六十餘里達姑蘇舟人云從無如此之速者
廿七日由楓橋入閶門登城闕視士民觀瞻莫不抃舞
有獻賦頌者是日駐蹕城中念職事人役辛勤遠來遍
賞白金聽其各帶方物以示體恤廿八日回鑾過虎邱
山不甚高亭樹欄檻布滿其上千人石高下可容千人
傳爲生公講經處故有石頭石劍池在夾崖中殊可
觀平遠堂俯瞰虎邱之背田疇林木望若錯錦蘇民仍
列酒坊茶肆各安生業管絃競奏覺有昇平景象然徒
事紛沓罔知務本未若東北風俗之樸實耳夜坐舟中